



續表忠記卷之六

漸岸恒夫趙吉士纂編



四明公弼盧宜彙輯

賀文忠公傳

附夫人危氏子觀明光明等蘄州守道許文岐大冶尹如翁等

有明崇禎十六年五月獻賊破武昌沉楚王於江。告大學士賀逢聖。闔門死之。逢聖字克由號對揚江夏人。父亨陽先生以理學名家。為人倫師表。終歲樂飢。常以鷄豆易米。度歲或禦冬以絺。意恬如也。逢聖稟承庭訓。少受知於督學熊尚文。愛之甚。與熊廷弼

同被優眷或有問二生優劣者答曰賀生夏瑚商璉也熊生干將莫邪也其言卒不爽是科熊領解額而逢聖不售督學顧之太息令自爲三年膏火計逢聖改容謝曰生平未嘗以竿牘干人何可以下第故自喪所守若少分吾師清俸則不敢不拜督學益歎服癸卯列賢書屢赴春官又不售就教得應城諭日與諸生以道義相切劘師資臯比爲全楚冠常曰吾敷歷清華至入政事堂平章軍國無一事足報大官者惟寒氊七載實心實行庶幾免素餐譏耳丙辰以榜

眼及第逢聖里居時與熊廷弼素不協及遼左之變袒王撫者將歸獄於熊楚紳梅之煥等出揭直之疑其意有異同逢聖慨然曰此國家大事庸敢以小嫌介意公揭具草請以屬某灑灑數千言曲盡情理熊雖不能生出獄門人益服其雅量逆奄濁亂朝紀楊忠烈漣首揚其惡忠烈故楚人忠賢遂與楚人仇不解并殺熊司馬凡在朝列者擯斥殆盡猶慕逢聖清望故爲好語日各省直爲某建生祠惟貴鄉實無功德逢聖日地方官爲此舉某實不知奄又言聞上樑

文○出○公○手○何○云○不○知○逢○聖○正○色○日○某○為○天○子○近○臣○何○  
敢○犯○交○結○律○毋○為○小○人○所○誑○奄○大○恨○矯○旨○削○其○籍○奄○  
誅○起○南○祭○酒○六○年○歷○吏○部○左○侍○郎○旋○晉○冢○宰○協○理○詹○  
事○府○崇○禎○丙○子○六○月○與○孔○貞○運○黃○士○俊○同○人○內○閣○逢○  
聖○務○持○大○體○密○勿○動○勳○如○救○黃○宮○詹○道○周○尤○協○輿○論○  
致○政○歸○歷○陳○道○中○所○見○災○傷○及○郵○傳○困○敝○狀○帝○優○旨○  
報○焉○居○鄉○惟○以○德○化○人○布○衣○草○屨○徜徉○山○水○間○人○遇○  
之○不○知○其○為○元○老○也○踰○年○遣○官○存○問○又○一○年○再○召○入○  
中○書○他○相○應○召○者○盛○賓○從○擁○輜○重○挾○寵○妾○歌○兒○舳○艫○

相○望○高○燒○銀○燭○如○白○日○薰○蘭○蕙○麝○氣○氲○氳○遶○數○里○郡○邑○  
屏○道○左○伏○謁○暮○夜○進○黃○白○纍○纍○海○錯○山○珍○爭○奇○鼎○俎○  
門○生○幕○客○四○出○招○搖○惟○逢○聖○刺○一○敝○舟○挾○蒼○頭○三○數○  
人○蕭○然○如○賈○客○揚○帆○竟○渡○關○津○大○吏○欲○物○色○江○夏○相○  
公○舟○不○可○得○已○知○其○去○且○久○咸○嘖嘖○歎○異○上○亦○廉○得○  
其○狀○心○益○向○之○入○朝○未○久○與○同○列○不○合○壬○午○復○乞○歸○  
慰○留○不○得○宴○餞○便○殿○感○恩○悲○泣○伏○地○不○能○起○上○亦○泔○  
瀾○動○容○賜○坐○蟒○遣○官○護○行○瀕○行○疏○謝○因○救○尚○書○李○日○  
宣○等○帝○報○曰○克○抒○蓋○忱○彌○見○忠○愛○朕○當○書○諸○座○右○用○

爲箴銘癸未正月獻賊陷蘄州執守道許文岐文岐  
字我西杭州人世族鼎貴成進士時獻忠適賈於杭  
寓比鄰識文岐因爲好語道其居址門第并已所寓  
主人姓名甚悉欵留賊營屢逼其降不屈乃殺之再  
破蘄水疾馳至黃州乘大霧攻之城卽陷賊勢洶洶  
門人尹如翁大冶人心憂逢聖趨三百里往謁持一  
僧帽一僧衣爲諷答以見危授命知不可奪辭去不  
復言五月獻忠向武昌城中大震議撤江上兵櫻城  
固守叅將崔文榮不可建議守江議者不從賊果從

煤炭洲渡先是楚士大夫僕隸之盛甲於天下麻城  
之梅劉田李不下三四千人其泰已甚寇禍作令其  
糾率同黨爲里仁會意將藉爲捍蔽也而兇黠惡少  
反炮烙衣冠推刃其故主以投賊故列城之下如破  
竹賊急攻武昌楚府親兵開文昌保安二門納賊城  
遂陷賊有識者指曰此賀佛也揮之令避去逢聖曰  
我爲大臣不可苟活義當死整衣冠北向五叩頭投  
滋陽湖王會橋下同日危夫人長子賀覲明死之仲  
子光明聞難來奔又死之兩子媳會氏陳氏孫三人

皆死之。僕萱命亦死之。闔門就義者二十餘人。閱一百七十日。屍始出面。目如生。上震悼。命禮官優卹。未及行。南京諡文忠。而尹如翁辭歸。大冶城破。被執。亦不屈死。賊錄武昌城內男子十五以上二十以下者。爲兵餘。皆連項就戮。賊持刀者。腕爲脫。乃佯開漢陽門。縱之去。門逼水。人囂呼踐蹈。鐵騎圍而蹙之。江中自鸚鵡洲迄於道士洑。浮鼈蟻動。水幾不流。踰月。人脂厚寸許。魚鱉皆不可食。一城所遺民。不過數百。皆別斷手足。鑿毀目鼻。無一全形者。初賊下漢陽。將渡。

江攻武昌。逢聖因長史徐學顏見楚王乞發帑募士。王出高皇帝所分金。裹交椅一曰。惟此可佐軍需。他何有矣。逢聖慟哭而出。後獻忠見其庫中金鉅萬輦。載者數百車。不盡歎曰。有如此金錢。不能設守。朱鬚子真庸兒也。縛王於所賜金交椅。而沉之江。

趙吉士曰。賊攻武昌。公以在籍老臣。躬擐甲胄。誓衆固守。及城陷。闔門殉節。尤彪炳千古。視宋之宰相。江萬里後。先爭烈矣。若楚王者。城破身死。他果何有哉。

楊喬年曰。有明之初。甚重師儒之席。若曹學士鼐。魏冢宰驥。皆由此發軔。迨其後。暮齒頽唐。旣無以自重。又何能取重於人公。曰。惟寒氊七載。實心行實政。庶免素餐譏。以此爲師儒則師儒重矣。

盧宜曰公束身砥行其學一本於靜及居政府亦復恬淡寡營識者謂非助勤多難才然其忠君愛國之心可告皇天而矢白日視他相之挾數用術保富貴而悞國家者相去懸絕矣公嘗與友人書曰公門無一字之干本家無生事之僕錢糧無分毫升合之逋欠馬遞水驛未嘗索一騎一舟山塲湖地不計管一尺一寸大江上下無營運裝載之一船其或非意相加則力誠子孫閉門謝過而已惟公庶幾不愧此言

### 武昌諸忠合傳

武昌爲獻賊所破。紀其時。與賀文忠同殉國難者。一曰崔文榮。城守叅將也。世襲海寧衛指揮中武進士。授南安守備。崇禎初。臨藍盜起。討平之。以功擢武昌叅將。十六年。張獻忠陷黃州。四月。漢陽隨破。武昌大震。時巡撫宋一鶴。總兵錢中選。皆死於承天。新撫黃汝魁未至。省中諸大吏及府縣正官。皆以入覲行。不特禦賊無兵。而且設守無官。有議撤江上兵爲城守計者。文榮大言曰。守城不如守江。團風煤炭鴨蛋諸

洲淺不及馬腹縱之飛渡而獨守孤城是坐以待斃也。衆議不協五月初五日賊果從煤炭洲渡江陷武昌縣城中空無人賊出營樊口待後隊畢渡旌旗蔽數十里捲甲直趨省城文榮以武勝門當賊衝偕故相國賀逢聖協力堅守賊攻之不能下而楚府新兵已開他門納賊文榮方出鬪還聞變闔城扉不及躍馬大呼殺三人賊攢刃刺之洞胸而死。一日徐學顏楚府長史也字君復永康人性孝友父爲兵馬指揮忤要人下吏學顏嚙臂血頌冤乃得釋三登鄉試副

榜至崇禎十二年以拔貢授左長史性方嚴輔王必以禮王甚敬之楚宗素悍亦受學顏薰陶爲之稍戢十五年諸司朝覲委攝江夏縣事賊逼與賀逢聖勸王捐金募士王不省城陷學顏與賊鬪左臂已殊右手猶持刀不仆賊支解之舉家三十餘人咸死於賊同時殉難者通判固安李毓英亦闔門自縊武昌衛經歷汪文熙巡檢戴良瑄及僧官一人皆詈賊死巡江都司武進士朱士鼎字玉節休寧人城陷被執賊喜其勇欲用之戟手大罵賊斷其右手乃以左手盛



血灑賊賊又斷其左手幸不死歸用銀箍套其臂運筆如飛猶以書畫傳名又有馮雲路字漸卿黃岡人績學厲行年三十卽棄諸生從賀相講學遂家於江夏閉戶著書御史林鳴球疏薦上其書未及召用賊將渡江貽逢聖東曰在內以寧湖爲止水在外以漢江爲汨羅寧湖者雲路所嘗談經處也城陷乘桴入湖賊慕其名遣使聘之遙應曰我生平止讀聖賢書未嘗讀降賊書也躍入湖中死從遊諸生汪延陞亦死同邑熊雯字渭公亦以諸生移居武昌嗜古學尤

喜邵子皇極書言未來事頗驗十六年元旦盡以所撰性理格言大易叅諸書付其三弟曰讀此可以保身立命矣城破前一日遺書雲路言當覓我於某樹下明日賊追至樹旁躍入荷池死諸生明睿江夏人城破賊獨不入其門睿慨然曰安有父母之邦覆而偷生苟活者語家人曰速從我入井否則速去於是妻子二女及婢以次投井睿曰吾今曠然無所繫矣亦從容投井而死後人號爲明井賊旣破武昌遂乘勝陷嘉魚知縣霍山王良鑑再陷蒲圻知縣臨川曾

枳俱不屈死皆武昌府屬邑也

趙吉士曰予叔時服號天醉兄承祖字格于遊學楚中賊破黃梅避至武昌予母舅汪應詔字伯宣留之邸中叔曰危城也將為黃梅續可暫住不可久力疾辭歸舅竟為賊蹙江中而死新安客于楚葬魚腹者萬餘人亦一大劫也哀哉  
盧宜曰滔滔江漢倏無紀百萬生靈浮糠粃田李梅劉全盛時客作廬兒擁如螿一朝滄海揚流塵曲房阿閣化紅雲剗刃家翁肆屠割都是里仁會裏人吁嗟乎維城赤社已將淪文昌門外賊千羣老臣苦語舌欲短猶愛黃金不愛身身既死兮金亦死夜夜啼烏悲帝子可憐三百年來金交椅沉沉獨坐在江底

廬州府別駕趙公參軍鄭公合傳

附知縣高在崙等

獻賊破廬州府監司府縣俱逃惟通判趙興基經歷鄭元綬力戰而死興基雲南太和人舉於鄉崇禎間謁選得廬州府通判先是流賊賀一龍左金玉等五大部分據英山霍山抄掠遠近暑作而入秋高而出山城長吏挈其印視事舟中或濱江洲渚間邑聚荒梗無行人及闖獻擾害中原諸賊遙相嚮附十四年六月陷英山知縣高在崙禦賊死十二月陷潛山知縣李孕嘉典史沈所安及其子皆死十五年三月獻

賊攻舒城陷之改爲得勝州分遣其黨旁掠郡邑勢且及廬廬比歲不登民多菜色備禦全疎分守廬鳳道貪且戾民不附間諜滿城中亦不知五月提學御史以試士至賊遣其親信隨英霍游民佯爲貿易者先入又遣賊數百挾書卷肩襍被雜應試生儒中門者信焉散處試院左右漏三下賊捲甲疾馳肉薄登城城中賊舉火轟大炮以應之各官倉惶失措並縋城而逃與基方守水西門聞變挺刃下戍樓直前與賊鬪斬數人被創而死元綬全邑紳叅政程楷守南

門元綬力鬪死楷不屈死指揮趙之璞守東門巷戰死賊乘勢連陷含山巢縣廬江及無爲六安二州又陷太湖知縣楊春芳典史陳知訓教諭沈鴻起訓導婁懋履並死焉廬州城旣高峻濠亦深廣屹然江北重鎮兼扼陪京上游八年春賊全隊力攻知府吳太樸有捍禦才堅守不能下後雖屢犯終不得志至是賊以詭得之遠近郡邑皆震賊退太守與知縣懼罪委之與基總督史可法按問諸生胡來化毅然而前曰失城者守令非別駕也因其死而誣之何以慰忠

魂○且○何○以○厲○生○者○來○化○與○別○駕○生○死○異○路○無○所○邀○結○  
但○青○天○白○日○之○下○良○心○終○不○能○昧○耳○可○法○義○之○降○堦○  
長○揖○卽○以○其○言○上○聞○乃○治○兩○人○罪○而○贈○興○基○按○察○司○  
僉○事○楷○光○祿○寺○卿○元○綬○雖○幕○職○勤○而○廉○得○民○及○殉○難○  
士○民○設○興○基○元○綬○位○羣○聚○而○哭○之○元○綬○亦○邀○贈○卹○初○  
賊○之○攻○舒○城○也○縣○令○適○以○憂○去○江○都○貢○生○楊○廷○璧○字○  
荆○璞○爲○教○諭○與○在○籍○翰○林○編○修○胡○守○恒○協○力○嚴○守○語○  
人○曰○予○職○非○守○土○然○今○日○之○事○義○不○容○辭○萬○一○不○守○  
張○許○吾○師○也○至○三○晝○夜○矢○石○盡○城○陷○被○執○罵○賊○遇○害○

子○諸○生○濟○之○亦○殉○父○死○守○恒○字○見○可○初○授○金○華○司○李○  
有○治○獄○才○舉○卓○異○召○對○平○臺○稱○旨○改○編○修○賊○至○率○軍○  
民○固○守○賊○以○洞○車○穴○城○穿○者○數○處○守○恒○輒○堵○塞○之○力○  
屈○而○陷○賊○執○守○恒○刃○其○腹○攢○刺○數○十○鎗○以○死○賊○相○顧○  
嘆○曰○胡○翰○林○真○男○子○也○金○陵○贈○少○詹○諡○文○節○

盧宜曰廬州城破大吏皆走獨一別駕效死不去  
直前與賊鬪氣何壯也若參軍幕職抑又微矣而  
卒與別駕同死彼守土大吏有覩面目將何所施  
耶而尚欲歸獄於死者不幾舉夜氣而亦牯亡俱  
盡耶

豫撫高公傳

闖賊凡三攻汴汴乃破也。始終設守者高巡撫名衡也。名衡字平仲沂州人以進士由知縣入爲御史首疏請開言路謂聽言宜廣然非奸民市猾得以惑聖聰處士瑣流得以干朝議也。惟以言責耑歸臺諫果有大利害大奸貪他人言之而臺諫不言則治其罪如無關大計借端攻訐者亦罪必不貸則紛囂杜而言路自清。又請振吏治謂今日無一事不責之守令然徒責守令而不慎簡大吏猶未澄其原也。曩者統

均失人致懸價待沽因地索直考選大典亦視賄賂  
爲高下使守令之精神不用以營職業惟用以事鑽  
求吏治何由而振惟澄敘大臣無可營求則本源清  
而貪夫亦化爲廉吏帝採納之十二年巡按河南飭  
戰守覈功罪條奏行間機宜甚悉劾詞林之居鄉不  
法者以旱請蠲田租事多施行期滿帝以其稱職命  
再巡一年辛巳二月闖賊初圍汴汴周邸分封地定  
王爲明太祖愛子自啓宇來世有恭德開東書堂圖  
書文物之盛甲於他藩城中士大夫亦墮富蓄積充

仍非他郡比豫撫李仙風因福藩被醢世子播遷河  
北往慰之賊猝至闔城崩恐名衡慨然任守城事守  
將陳永福及其子德猛善戰周王又出庫金一百二  
十萬募人殺一賊者予五十金被傷者與殺賊同賞  
賊攻西北隅最急名衡登城捍禦不避矢石賊負戶  
穴城壞二十七處投以火被藁多斃又百道環攻賊  
死者無算永福矢射自成中目又發巨礮殺賊渠環  
甲四十晝夜守益堅賊不能下乃解圍去然終不能  
忘情於汴也上聞汴受圍豫撫在河北大憂之及賊

退乃知名衡捍禦功卽授爲豫撫代仙風十二月闖  
再圍汴復用穴城法凡賊攻城不用梯衝惟以取磚  
爲事一賊取得城磚一塊者是日卽歸卧磚盡取土  
成一穴過三五步留一土柱繫以巨絙萬人曳之柱  
頽而城崩名衡偕陳永福於城上鑿爲橫道聽其下  
有聲輒煮穢汁灌之著人立斃賊乃用放迸法放迸  
者用火藥數桶傾於所穴內以火藝之頃刻立崩賊  
卽凌騰而入汴故宋都城又金人所重築厚且十丈  
所穴磚土積於外者若丘陵然火作內土堅外土浮

內未能猝穿火反外擊塵埃漲天數千騎俱殲自成  
甫浴於大佛寺倖免乃駭而遁然終以汴爲中州都  
會得汴卽將僭僞號而并頓其孥仍眈眈視也壬午  
三月闖三圍汴以其人衆食寡圍而不攻俟其內潰  
帝數趣諸鎮赴救率逗留不前六月特出侯恂於獄  
命總督山東保定河北諸軍赴之總兵許定國軍渡  
河次沁水一夕潰去七月良玉軍大潰於朱仙鎮外  
援旣絕賊圍益固周王雖復大出帑金鼓舞士心而  
城中樵採斷糧盡人相食永福父子亦困然猶固守

不下自成前後攻汴者三賊死者莫計今復長圍半載兵老勢詘久懷灌城計顧子女珍寶山積不欲付之洪流及聞秦督孫傅庭出師救汴方圖改算有汴人獻計於名衡決河灌賊者時城外羊馬牆周王募民所新築皆堅厚爲高岸而賊營直傅大堤河決則賊可盡城中恃羊馬牆可以無恐名衡亦知計非萬全特以城且旦夕下不得已冀僥倖於萬一因從之已爲自成所覺我方鑿朱家寨口賊先移營高阜驅掠民夫反決馬家口以灌城天又大雨經旬不止黃

河水驟漲兩口一時並決聲聞百里如轟雷丁夫荷鍤者隨波漂沒賊營亦沉萬餘人河流自北門入直衝東南門出汴人百萬戶皆死周王僅以身免名衡永福及黃澍等棲於城樓絕食者數日同知蘇茂灼通判彭士奇久餓不能起並溺死士民脫者不及二萬將灌賊而反爲賊所灌事聞舉朝大震帝念諸臣死守孤城且涿水天災不復問決堤事而名衡亦心力俱枯乞回籍養病上允其請尋加兵部右侍郎給事中陳燕翼論黃澍決河罪詆名衡主謀帝終以城



守功高不問癸未

大兵攻陷州城名衡夫婦抗節不屈死之而闖賊之  
初攻汴也退屠密縣陷登封以洩其憤其再攻汴也  
退屠陳州陷睢州及商丘魯山郊縣寶豐守令多死  
至是而汴卒破兵部郎進士余爵禹州人初授撫寧  
知縣果敢有吏才為巡撫楊嗣昌所知歷職方主事  
嗣昌督師請叅其軍後從督師丁啓睿於河南十五  
年開封圍急監左良玉軍往援戰敗被執與其姪敦  
華皆罵賊死

趙吉士曰汴三受圍周王既出庫金募人殺賊何  
不綢繆於未圍之先而乃懸募於危急之際王雖  
能棄財而終不能善用其財也悲夫  
盧寅曰長圍援絕食盡人相啖城且旦夕下決河  
之策原於萬死中求生乃廷臣在局外者紛紛  
歸罪於撫按帝皆置之不問可謂明於大計矣而  
卒無救於危亡亦獨何哉

總督孫公傳

附夫人張氏等

明崇禎時督臣討流賊而以威名著者。又得孫傅庭云。傅庭字白谷代州振武衛人才敏絕倫。歷試必冠。其曹耦成進士知永城調商丘入為吏部郎陞順天府尹身長七尺有二魁岸多大略父為邊將亦習行間事秦撫甘學濶不能討賊秦之士大夫譁於朝乃推邊才用傅庭崇禎九年三月受代傅庭蒞秦嚴徵發期會一從軍興法又清理屯地籍壯丁為軍量徵屯課以濟軍需秦中士大夫惡其害已愛之不如洪

督○然○其○才○自○足○辦○賊○賊○渠○闖○王○高○迎○祥○最○強○柘○養○坤○  
最○衆○非○他○鼠○竊○比○傅○庭○設○方○略○陣○擒○迎○祥○於○盤○屋○之○  
黑○水○峪○及○僞○領○哨○黃○龍○總○管○劉○哲○檻○車○獻○俘○京○師○帝○  
大○悅○爲○告○廟○行○賞○養○坤○降○而○復○叛○亦○追○斬○之○諸○賊○望○  
風○瓦○解○威○名○大○起○十○一○年○二○月○楊○嗣○昌○入○爲○本○兵○條○  
上○方○略○洪○承○疇○以○秦○督○兼○勦○務○而○用○廣○撫○熊○文○燦○爲○  
總○理○分○爲○四○正○六○隅○馬○三○步○七○計○兵○十○二○萬○加○派○至○  
二○百○八○十○萬○傅○庭○遺○書○力○爭○之○謂○用○多○而○不○用○精○非○  
徒○無○益○而○部○卒○屢○經○潰○蹶○民○力○竭○矣○恐○不○堪○命○若○必○

欲○行○之○賊○不○必○盡○而○害○中○於○國○家○匪○淺○累○數○千○言○皆○  
切○直○嗣○昌○大○忤○部○議○秦○撫○當○一○正○面○卒○萬○人○給○餉○二○  
十○萬○以○商○維○一○帶○爲○汛○守○傅○庭○知○其○不○可○用○也○姑○緩○  
其○期○諸○撫○咸○報○募○兵○及○餉○而○傅○庭○疏○獨○不○至○嗣○昌○憤○  
甚○上○章○自○劾○謂○軍○法○不○行○於○傅○庭○請○褫○職○以○激○帝○怒○  
傅○庭○奏○曰○使○臣○如○諸○撫○哀○集○郡○邑○民○兵○籍○而○上○之○遂○  
謂○及○額○則○前○籍○屯○軍○九○千○餘○已○及○額○矣○今○臣○募○兵○購○  
馬○爲○朝○廷○效○實○績○事○未○就○緒○何○敢○虛○張○然○商○維○之○汛○  
百○日○之○限○臣○不○敢○諉○也○已○而○議○果○不○行○嗣○昌○益○大○恚○

會李自成與洪督相持於邊而過天星等數十部又  
犯涇陽三原皆內地傅庭擊之楊家嶺黃龍山大破  
之俘斬二千餘所散降且萬人賊引而北犯延安延  
安地瘠而荒不能久留諒賊反走之路輕重布伏賊  
折而南傅庭大張旗幟鳴鼓角以邀之賊一日夜奔  
三百里至職田庄遇伏而敗復走寶鷄取棧道再中  
伏大敗折而走隴州關山道又爲伏兵所挫計無復  
之盡解甲而降無一遁者又逐賊邠寧間身自陷陣  
獲其渠軍聲益振豫賊馬進忠馬光玉驅宛雒之衆

箕張而西傅庭擊之賊還走又設伏於潼關原曹變  
蛟逐賊入伏自成盡亡其卒以十八騎潰圍遁秦中  
藉以少安傅庭力居多時文燦所勦之豫寇羅汝才  
等凡十三股屯聚淆函之間聯營數十里文燦尾其  
後招之降賊佯應之而故延時日傅庭投袂起提兵  
出潼關擊賊於河南之閩鄉山大敗之賊以文燦  
手諭馳上且約旦夕降傅庭曰爾曹日就熊公言撫  
而日攻堡屠寨不已是僞也降卽解甲來更有何說  
有說卽非真降吾明日進兵矣明日環甲而出將擊

賊途中得文燦檄若申飭有司者謂吾撫功已就毋  
妬吾功而害其成又數里文燦以本兵嗣昌手書至  
不得已撤兵而還文燦撫功卒不就身雖伏法而賊  
益橫無救於禍敗矣十一月京師有警召傅庭與洪  
督入援加兵部侍郎賜劍當是時傅庭獨提兵先抵  
近郊既與嗣昌不協以軍事得公譴又與中官忤降  
旨切責不得朝京師洪後至有詔迎勞且命陞見傅  
庭不能無舐舐嗣昌用洪爲薊督欲盡留秦兵之入  
援者守薊遼傅庭力爭秦軍必不可留留則寇勢張

而究無益於邊是代寇撤兵也且士卒妻孥蓄積俱  
在秦日以殺賊爲利必不能久留於邊非譁則逃且  
不復爲吾用而爲賊用後欲制賊何所取裁是驅兵  
從流賊也天下安危其機在此嗣昌不聽傅庭不勝  
憤鬱耳遂壘帝移傅庭總督保定疏請陞見嗣昌大  
驚斥來役資疏還之傅庭念嗣昌在事功必不就既  
解嚴引疾乞休嗣昌又以欺罔中之議革職仍屬巡  
按御史覈其真僞御史以真壘上聞遂一併逮問下  
獄長繫舉朝雖知其寃莫敢一爲申理在請室三年

兵散而賊益橫。悉如傅庭言。嗣昌自縊。公論大白。思陵亦悟。十五年三月。自成再圍開封。帝聽宜興言。出傅庭於獄。親御文華殿。問勦賊安民之計。傅庭侃侃而語。帝嗟嘆久之。燕勞賞賚甚渥。命將禁旅往援河南。而禁旅之虛伍。冒糧已久。一旦集市。人爲兵。皆柔脆。不可用。傅庭曰。我思用秦人。秦帥賀人龍降寇也。而心不爲國家用。總督傅宗龍。汪喬年。皆爲所陷。帝改傅庭督關中。而密授計斬人龍。人龍部卒萬餘。無敢譁者。朝議趣傅庭。星馳救汴。傅庭曰。兵未訓練。難

以決勝。請稍展其期。帝不聽。不得已。出師。十月。聞汴城陷。疾引兵至南陽。自成西行。逆之。遇於塚頭。先鋒高傑等大破賊。後拒者左勳。蕭慎鼎。值賊羅汝才怖而奔。大雨糧車不繼。士採青柿以爲食。凍餒不支。汴旣先陷。而援師亦敗。所謂柿園之役也。傅庭上書自劾。詔令圖功。自贖。特賜上方。以重其權。傅庭歸陝。力主固守。潼關扼京師上游。且以我軍新集。不欲速戰。而關中歲飢。駐大軍。餉告匱。士大夫方厭苦傅庭之用。法嚴也不樂。其在秦。復譁於朝。曰。督師翫寇糜餉。

咸上書迎帝意催戰且傳危語恫脇之曰督師不出  
關收者至矣帝亦望其亟奏蕩平晉尙書鑄督師七  
省印授之催戰益急傳庭頓足歎曰吾固知戰未必  
捷然大丈夫豈能再對獄吏乎疏報師期識者危之  
十六年八月出師潼關旌旗兵甲連絡數十里次汝  
州僞都尉迎降再破賊寶豐斬僞州牧陳可新等遂  
擣唐縣賊家口盡在唐自成發精騎來援官軍已入  
城殺賊家口盡賊滿營痛哭轉戰至邾縣擒僞果毅  
將軍謝君友砍賊坐纛尾自成幾獲賊大懼謀降自

成曰我殺王焚陵罪大矣姑決一死戰不勝則殺我  
而降未晚也時大軍露宿與賊相持天復大雨濘深  
數尺糧車日行不及三十里士馬多飢邾爲賊守攻  
破之獲馬騾數百割噉之立盡雨七日夜不止九月  
十七日後軍譁於汝州賊騎大至我師飢且困流言  
四起不得已還師迎糧前軍旣移陳永福督後隊皆  
亂賊追至南陽我師還戰破其陣三重矣賊之驍騎  
死鬪我師陣稍動推火車者怖曰兵敗矣脫輓輅而  
奔傾軛塞道馬絙於衡者不得前賊之鐵騎凌而騰

之步賊手白楮遮擊中者首與兜鍪俱碎賊空壁躡  
我○一○日○夜○官○兵○狂○奔○四○百○里○死○者○四○萬○餘○失○亡○兵○器  
輜○重○數○十○萬○賊○乘○勝○破○潼○關○華○陰○追○及○於○渭○南○十○月  
初○六○日○傅○庭○與○監○軍○副○使○喬○遷○高○躍○馬○大○呼○而○沒○於  
陣○從○騎○俱○散○傅○庭○屍○竟○不○可○得○傅○庭○死○文○武○吏○民○皆  
為○奪○氣○關○以○內○無○堅○城○矣○初○傅○庭○之○出○師○也○自○念○必  
死○顧○語○繼○室○張○夫○人○夫○人○曰○丈○夫○報○國○耳○母○憂○我○及  
西○安○破○率○二○女○三○妾○沉○於○井○揮○其○八○歲○兒○世○寧○亟○去  
兒○踰○墻○避○賊○墜○民○舍○中○有○老○翁○者○善○衣○食○之○長○子○世

瑞聞變重趼入秦得夫人屍井中貌如生老翁并歸  
其弟相扶還見者皆爲泣下孫年五十有一張年四  
十有二



馮雲驤詩潼關城下月如水潼關城上鼓聲死司  
馬北望拜神京臣報國恩畢于此萬羣寇馬踏沙

黃長戈大戟飛寒鉞彎弧舊將嬰城闕斷甲材官  
泣戰場孫公灑血潼關道鬼馬不歸嘶碧草花袍  
玉劍委紅泥渭水飛鴉波浩浩冰心中惘何磷响  
就義從容不顧身雛鳳玉顏同日死千年石砌閉  
青春幾隊蛾眉愁耿耿飛鳥輕身墜碧井綠髻吹  
為夜雨苔紅衫化作流霞影有子蒼茫西向秦荒  
園遺跡訪蒿蓊昔時夾道紅旗陣今日空衙動野  
燐愁雲覆井寒烟古秋風蕭蕭黃葉雨玉骨曾傳  
葬此中鬼神常護埋香土牽來素纜古龍驚莊容  
衣佩宛如生觀者萬人共嘆息方知天地鑿幽貞  
重向戰圍淚沾臆青山一帶愁何極元戎戰骨碎  
刀痕魂魄茫茫招不得更有遺孤已二年父老指  
點私相憐破巢漫說無完卵趙女嬰兒自瓦全同  
時飲劍有喬公呼天拊膺氣何雄腰橫寶帶眠顏  
堞手擲頭顱向晚風眼見山飛滄海立銅駝霜冷  
荆蓊濕寧武孤城再合圍餘者降旗拜寇入吁嗟  
乎悲哉國家之亂誰為基英雄數盡際艱危翼虎  
已分鶉首策趙卒長平大聚時一門仗節古來少

日月飛光同皎皎青楓夢斷麒麟圖香閨血化鴛  
鴛鳥有臣死國婦死夫高風大義勵頑愚嗚呼其  
形往矣神未徂嗚呼其形往矣神未徂  
趙吉士詩天險潼關開六扇黃河南繞波如箭從  
來扼賊重咽喉豈在疲兵貪浪戰天傾明社悲將  
終調兵轉餉紛無功老將死盡孫督在赤手空支  
賊火紅呼吸軍機變形勢朝廷豈合從中制橫驅  
饑卒冒兇鋒忠魂午夜先流涕大河血戰尚莫當  
蚩尤欲散妖星亾泥濘風雨不解事偏教日月銷  
光苾吁嗟乎哥舒大夫楊無敵馬上紅旗催戰急  
誰憐宗社三百年一跌灰飛天地泣戰壘茫茫咽  
渭川青燐碧血化枯烟冷雨三更燈似豆陰風獵  
獵吹殘編  
吉士又評公初迫於秦中縉紳之口踉蹌出關幸  
而所向皆克矣乃天以淫雨困之致功毀垂成未  
可爲人謀之不臧也英雄豈必以成敗論哉

陝西西安諸忠合傳

三秦天下之脊也西安三秦之首也西安陷則賊據  
建瓴之勢不特三秦覆而有明之天下遂終於不振  
其時死難者巡撫則馮師孔也字若魯原武人初授  
刑曹恤刑陝西釋疑獄一百八十餘人咸頌其平出  
知真定府遷兵備兩以艱歸崇禎四年侍郎謝陞署  
吏部事舉監司才堪督撫者十人師孔與焉服闋再  
補懷來移密雲中官鄧希詔出鎮勢張甚師孔不爲  
屈希詔撫他事劾之逮下吏終不爲動抗疏言臣待

罪邊疆志在報國徑情直行不解附會中官自當獲譴但與其偃僂于奄人不如慷慨於斧鑕遂削籍歸師孔才優肆應諳習金革特以賦性伉俠多與物忤一廢十年無人推轂之者至十五年四月詔舉邊才兵部侍郎張鏡心始以師孔應詔吏部嚴核者再吏部亦亟稱其才十一月乃以原職監通州軍事時方戒嚴勤王兵集畿輔剽掠公行又殺良冒功甚有混以婦人首者師孔嚴置之法并令諸營自核其實冒者抵死自是良民獲保首領師孔凡六領兵備咸在

衝邊兵益練名益起給事中沈宸荃等交薦冢宰鄭三俊舉天下廉能方面官復及師孔踰月遂擢僉都御史代蔡官治巡撫陝西當是時總督孫傳庭方奉新命大舉討賊師孔助調兵食劾据勞瘁傳庭出關盡以西安之卒行師孔方募兵修備而傳庭爲大雨所誦敗報至賊於十六年十月初七日長驅入潼關不數日直抵西安師孔厲將士率吏民分城拒守而自守東門天寒勸秦王給兵士人一棉衣勿聽城守者傳餐皆結爲冰不可食半多僵卧城頭勢已岌岌

王叅將內應城遂陷秦王被執師孔投井死時十月十三日也師孔後邀贈卹同死者按察使黃綱字季侯光州人與兄袞先後舉進士歷仕籍咸有聲綱由南宮知縣再遷紹興知府丁艱歸七年流賊破光州綱以廬墓在山獲免長子諸生夔如率家僮巷戰力屈罵賊死丁丑備兵臨鞏大破賊於河西陞陝西按察使綱生平清介自矢讀書至忠孝大節輒呼浮大白擊節嗟嘆及膺寇難誓以身許國西安破義不受辱自沉於井妻王氏同殉後贈太常卿諡忠烈秦府

長史章尚綱會稽人聞城陷投印井中冠服趨王府端禮門再拜自經後贈按察司副使西安附郭兩縣一曰長安一曰咸寧咸寧令從賊受偽職後爲賊所殺長安令吳從義字裕強浙江山陰人由進士初授謁選者率營善地從義獨曰避危疆不就豈臣子分誼且吾貧若稱貸營之後不剝民以償耶卒得長安時流寇充斥詔三邊督師孫傳庭移鎮西安兵十餘萬糗糧芻茭咸取辦於令秦府宗室及縉紳佔業者居十之四名爲寄庄無他役役獨累小民從義不憚

強禦令豪族均輸無一倖免民獲稍甦而兵亦無謹  
舉卓異督師陷陣而歿長安勢如累卵從義佐撫軍  
誓死不貳繼娶胡至署家人以合卺請正色曰此何  
時也而爲此浹二旬終不一顧分汎南門賊攻城西  
門先陷衆扶之下神色不變吏請攜印出走從義曰  
城亡與亡吾將安往見一僕在側曰吾當以死報國  
汝素忠謹可奔訃吾家新聞人尚未成禮仍歸其母  
言畢入關帝廟卸戎服易冠帶望闕叩頭亦投井死  
年四十有三賊知從義死戒其下毋犯其署家人得

全從義爲童子時夢一長者拊其背曰歲寒松柏其  
在斯乎寤而誌之至是果驗後贈按察司僉事西安  
右衛指揮崔爾達投井死亦邀恩卹有丘從周者都  
司吏也長不滿三尺彊直敢言見自成暴虐乘醉直  
至其前戟手罵曰若一貧賤細民今妄踞王府將僭  
僞號而逆天背理所爲如此吾見汝屍之萬段也自  
成大怒立砍殺之而布政使陸子奇以下皆降賊乃  
署置百官以甲申正月朔稱王西安僞國號曰順更  
其名曰自晟改元永昌造甲申曆三月直抵順天京

師破僭即帝位聞

大兵入關自往逆戰敗於一片石歸而席捲西奔以

疑殺其黨李巖 魏黨尚書李精白之子原中 賊知西

安不能守由商州走武關以入襄陽偽宰相尚書牛

金星宋企郊等道多亡去過武昌通城縣之羅公山

自成單騎卜於元帝廟被村民以所荷鍾碎其首腦

漿布地而死僭偽位甫數月而滅獻忠隨亦伏誅闖

獻二賊皆無子

毛奇齡後鑒錄曰自成營羅公山輕騎掠食村民方築堡屯守代鼓合圍共擊之自成揮左右格關

積雨馬陷泥淖中揮鋤碎其顱腦漿狼籍布地抽

尸剥甲見龍衣金印眇左目箭鏃猶在方知為自

成也獻於湖廣總督何騰蛟因殂其首祭思陵

附記闖賊屢陷名城大吏未有降者自子奇始

賊大喜授戶政府尚書縉紳亦多殉難其從賊最

著者乾州進士宋企郊以吏部郎家居首出降賊

為吏政府尚書從陷京師賊惡其多用親故鎖項

屈辱之久乃得釋真寧縣進士鞏焞為河南學道

罷歸亦降賊用為禮政府侍郎自成建宗廟將致

祭焞倣古制為山龍表衣以進自成服之忽寒慄

索火賊黨熾炭於位禮卒不成大怒日焞故為兩

山於肩以壓我立褫其衣將加戮牛金星力救獲

免金陵以六等斬然皆在賊廷迄未嘗正法

遲焞入二等秦地百二河山戰國時開關延敵六國之

盧寅日秦地百二河山戰國時開關延敵六國之

師所逡巡而不敢進者也獨至李自成以十月初

七日破潼關至十三日而西安陷七日之內唾手

得之天險名城無一足恃數君子苦支多難於震

風凌雨之中雖天心不可挽人力不能濟然而綱常名義所以常留於萬古而不敝者不重有賴於此數君子也耶

西安縉紳焦南二氏合傳

西安門第之盛曰焦氏與焦並峙者曰南氏焦籍三原兄弟兩中丞皆以清節著兄曰源清號湛一由進士歷官至宣府巡撫年七十始舉一子賊入西安勒源清往見不屈自經弟曰源溥號涵一以進士由知縣入爲御史歷撫大同當溥之爲御史也天啓新卽位舉朝以三案分左右袒勢同聚訟溥疏言光宗乃神宗之元子爲元子者爲忠則爲福藩者非忠孝端孝靖乃神宗之后爲二后者爲忠則爲鄭貴妃者非

忠孝元孝和乃光宗之后爲二后者爲忠則爲李選侍者非忠貴妃三十年來之心事人誰不知今卽厚待貴妃始終恩禮而鄭養性必不可不奪職崔文昇必不可不正法也李選侍不過一宮人耳更非貴妃比如聖諭阻陛下於煖閣加聖母以凌虐爲臣子所不忍言今卽爲選侍乞憐止可求曲宥前辜量加優典而移宮始末必不可抹殺盜寶各犯必不可寬釋也正論危言舉朝側目又請召還爭國本忤稅璫諸臣畿輔倭馬疏請輸直以甦民困旣而巡按真定忤

要人年例外轉崇禎時撫大同未一年終爲要人所中罷歸癸未冬闖賊入西安召諸邑縉紳受僞職源溥爲賊黨所劫執見自成授以總督銜源溥大罵曰爾爲賊吾乃大臣吾恨不能手刃賊乃欲污我耶自成閉諸空室罵益烈鬚髯皆上指皆盡裂賊稍近舉手擊之復罵罵不輟賊拔其舌支解之同死者渭南吏部尚書南師仲號弦蒲進士起家年八十三矣罵賊不屈曰老臣何惜此餘年報國不食兩日死公子進士禮部郎居業不屈死從子進士工部尚書居益



初授刑部主事歷陞至福建巡撫海外有紅毛葬者  
紺眼赤鬚髮猜狠善鬪俗聖富國名賀蘭自昔不通  
中土閩商貿易大泥咬啣吧者其人就二國轉販焉  
奸民潘秀賈大泥始引其人據澎湖求市前後巡撫  
皆不許遂入犯內地濱海大擾及居益履任設方略  
討平之天啓五年遷督河道晉工部侍郎時逆奄竊  
柄惡居益敘功不及已寢賞格不行奄黨迎逆意劾  
居益倚傍門戶削籍去福建士民詣闕留之不聽乃  
立祠以祀豎碑于澎湖平遠諸山紀其績焉崇禎元

年起督倉場時陝西四鎮缺餉至三十餘月貧卒蠶  
起爲盜居益爲鄉土憂疏請以陝賦當輸關門者留  
三十萬紓其急報可二年畿輔戒嚴居益在通州爲  
城守計甚備再代張鳳翔爲工部尚書以疏救曹郎  
帝怒其徇私再削籍及敘守城功乃復冠帶城破自  
成誘降不屈罵賊被炮烙而死其他縉紳亦多死節  
者賊旣得西安妄與王業可成又故鄉桑梓所過村  
鎮慰諭父老戒淫殺禁剽掠以籠絡人心念舊家皆  
民望所繫羅而致之百計誘降不遽加殺戮及衣冠

視死如歸爲其所勝者十不得一怒而肆行啗噬秦民遂被其毒云

鄒綺曰秦地山河百二讀無衣小戎諸什猶想見其慷慨激烈之槩焉觀焦南諸公大節琅琅雖謂與華峰比高涇水比潔可也  
趙吉士曰焦氏兄弟以髦年死南氏父子叔姪以闔門死其英風烈節已越數十年猶令人慷慨激昂而不能自己嗚呼忠孝之感人者深矣  
盧宜白按三朝野記崇禎十四年重修太學八月車駕臨雍祭酒南居仁坐講臯陶謨而不與西安之難並誌之以見南氏科名之盛云

### 僉事王公傳

附兵道來復署道喬遷高知縣楊暄朱新堞朱一統朱迴梵等

秦中縉紳死闖難者焦南二氏外又得王僉事徵徵號葵心涇陽人由進士除廣平推官白蓮之獄起株連者數千人徵悉其枉咸理出之濬清河水閘溉田至千頃丁憂去補任揚州三王之國護從者多所株求徵白王禁戢民以無擾天啓中徽州富民吳養春與弟養澤爭產弟赴東廠首其兄佔黃山獲利無算奄提養春拷問又遣主事呂好問追贓變產激變徵民事連巨室數百人下徵按問徵據法爭之力所全

活者甚衆。各省建祠。媚忠賢揚州祠成。大吏咸往叩首。賀徵與淮揚道三。原來復力持不可。竟不往。一時稱關西二勁。父憂服闋。補僉事監遼海軍兵。變登州。破徵浮海歸。赴廷尉。遇赦不復起。自徵爲舉人。垂三十年。布衣疏食。足跡不入公府。以名節爲重。及後歸田。却掃著書。依然一經生也。流寇大起。徵創爲連弩。活橋。自行車。自飛礮。以資捍禦。癸未。闖賊入關。羅致縉紳。徵已先期。自題墓石曰。了一道人之墓。又書全忠全孝。四大字。授其子永春曰。吾且死死。豈爲名欲。

汝識我心耳。賊果遣使趣徵往。見引佩刀自誓。乃繫永春去。徵遂絕粒。越七日而卒。里人謚曰端節。徵素爲德於鄉。當永春被繫時。鄉人不避賊鋒。請以身代者數百人。賊乃舍之。永春竟得不死。來復字陽伯。三原人。進士。天啓中。備兵淮陽。璫勢正熾。有胡劉二奄。據揚郡。搜括欽賊。橫甚。復正色不爲禮。二奄恚以惡聲相加。復不少挫。忠賢敗。乃免於禍。又善治兵。信賞必罰。海上有大盜。復縱反間。離其黨。巨魁就殄。淮陽人至今思之。其外郡抗節者。又得鞏昌知府喬遷高。

渭南知縣楊暄中部知縣朱新堞蒲城知縣朱一統

白水知縣朱迴梵云遷高山山西定襄人山西誌載喬

略紀事本末咸作由進士歷知府署潼關道事監總

督孫傳庭軍孫於河南失利退守潼關遷高分捍南

城城陷挺身巷戰大呼曰我監軍道喬遷高也力殺

數賊而死子諸生象觀同妻史氏俱自縊暄山西高

平人由進士初授老成厚重得民和歲大稔畢力拯

救奸人乘機行劫斃之杖下民稍得安賊兵抵渭南

暄已擢兵曹未行與學官蔡姓者同守會舉人王明

詭開門迎賊暄被執罵賊死暄自矢狷介佩服飲食

咸從節儉自諸生至作令不改其素蓋廉吏也新堞

汾州府宗室以十四年恩貢選授中部潼關破賊傳

檄至新堞方巡城手碎其牌欲效死守而邑新殘破

人皆骨慄乃集父老告之曰封疆之臣有死無貳汝

等可各為計吾自盡吾節而已未幾賊至妻盧孺人

妾薛氏馮氏皆請自縊馮猶未合蚤揮之去不可垂

泣願從有女纔數歲拊其背而勉之縊書表封印馳

上京師冠帶向闕拜又望拜其母遂自縊邑人葬之

社稷壇側妻妾與女咸附一統平度州舉人初任蒲城西安破屬邑多降一統獨曰吾家七世衣冠至我臣賊豈不墜我家聲或言他州縣甲榜皆已納款矣一統曰此事寧論資格耶體素肥令家人擴井口以待會衙兵叛奪印趣降一統嗔目叱曰吾一日未死印不可得也日暮左右盡散從容赴井死縣丞姚啓崇亦死焉迺梵瀋府宗室由宗貢生知白水明習法律吏不敢欺賊潛入城猶手弓射賊與學官魏箴史劉進並被難先是賊既破孫傳庭軍長驅入關時兵

備僉事楊王猷叛降於賊潼關衛教授許嗣復分守上南門城破持梃格鬪罵賊死妻女被掠亦皆自殺

盧宜曰闖氛漲天地閉百草離披藤草死惟有青松顏色開肯與繁英逐流水正氣由來百不磨亭亭獨立疇堪伍君不見二月狂風捲席起桃花亂落如紅雨

陝西三邊諸忠合傳

附都司吳繼武副使段復  
典等

榆林寧夏甘肅陝之三邊也。西安破賊分遣其黨四

出掠地三邊皆陷被闖禍最酷。文武將吏與士大夫

死節義者亦最多。王氏一門八元戎。世國世臣兄弟

也。尤世威尤世祿山西誌作尤世威一本世祿乃世威弟閔閱亞王而老將

在行間久與侯拱極罷閑家居皆榆林人也。李昌齡

亦西涼勲舊以故總兵僑寓其地。聞賊破西安三四

公者日夜聚謀思起兵雪國仇且料賊兵必及亦圖

為桑梓計。兵使者都任字弘若祥符人進士性慷慨

夙負強項聲數被貶謫然持之終不變爲晉臬時晉  
藩權奄假威福箝制監司多曲意爲之酬酢任獨遠  
之朔望監司當朝王任不往諸司強之任舉會典曰  
朔望朝王惟布都二司不及按察者祖宗以其明刑  
肅紀如有不法事按司得而糾察之不令與二司同  
朝防微杜漸之義也朝廷之所無任不敢有卒不往  
巡按御史與學道袁繼成構難御史身染賊濫性復  
恣睢任醜其行心直繼成繼成方杜門候旨諸司未  
敢一顧任獨時過袁慰問不絕瀕行復厚贖之爲御

史所中降級歸後任榆林道榆林爲勁兵所聚號天  
下○雄○鎮○而○歲○歉○民○貧○軍○餉○又○久○缺○兵○民○交○困○任○至○曲  
加○拊○循○皆○欽○其○夙○望○令○行○禁○止○無○敢○忤○者○又○好○談○節  
義○念○闖○氛○日○熾○願○以○死○報○國○十○六○年○九○月○巡○撫○崔○源  
之○罷○去○新○撫○張○鳳○翼○未○至○未○幾○賊○遣○僞○制○將○軍○李○過  
徇○地○至○榆○林○李○過○者○自○成○兄○子○賊○中○所○稱○一○隻○虎○也  
都語尤王諸人曰公等世受國恩忠勇著聞今逆賊  
猖獗正疾風勁時草也倘有意爲國某願執戈爲先  
世威曰吾老矣豈能臣賊世忠世臣與劉惠二將咸

嚙指血瀝酒中李昌齡拔劍砍地曰有貳心者齒此  
劍督餉員外郎黃岡進士王家錄已陞關南道未行  
亦與焉謀甫定賊傳偽牌至乃焚牌斬使大修戰具  
衆推任主盟任率劉惠二將推尤爲帥而與王李諸  
人同設守當自成之遣李過也固知榆林兵甚勁且  
多世將不易下特令辯士延安舒君睿先哆張形勢  
自成又爲手書謬指禍福持五萬金犒城中將士莫  
以誘降任等叱之去賊遂盡銳環攻城上強弩持滿  
競發燃巨礮擊賊數開城出戰老穉皆擊銅器叫呼

殺賊無算家錄又率婦女運水灌雉堞結爲冰城賊  
望之氣阻第以不下榆林則三邊皆制挺而起志在  
必克復穿地道仍用放逆法城遂破諸將巷戰力盡  
任被執賊帥曰若固好男子苟降無憂不富貴也任  
怒罵不從遂遇害綏寇紀作闔門雉經侯拱極劉將  
軍失其名大罵不屈被醢王家錄自刎惠顯被縛過神  
木飲醜至二升乃絕都司吳繼武山西稷山人由武  
舉累至今官亦死之城內原任總兵副將下迨偏裨  
計三十餘人皆延頸受刃無一乞降者賊盡屠其民



而執二王尤李四人去未至西安四十里日回軍店  
四人沐浴更衣日將以下見祖宗也對自成皆挺立  
仰而視天賊欲蹠之不屈自成曰吾虛上將以待四  
將軍奈何固執不相與共功名耶四人罵曰我大臣  
也汝草頭賊滅且不久毋污我至死神色不變賊初  
犯寧夏官軍出戰三勝之殺賊精銳數千賊遁歸西  
安關中羣賊聞之多有出關散入河南者及榆林陷  
乘勝復來攻鎮守總兵爲賊所誘出降寧夏遂陷轉  
攻慶陽副使段復興鄉紳麻僖皆死之復興字仲方

陽穀人崇禎七年進士由部郎出爲陝西叅議道分  
守慶陽十六年十月闖賊踞西安傳檄諭降復興碎  
其檄集衆固守踰月賊至城上砲石雨下賊積屍滿  
濠而攻不退復興勢不支拜辭其母聚妻妾四人及  
一子一女於樓寘薪其上復乘城督戰十六日城陷  
趨歸火其樓母亦赴火死乃持鐵鞭走北門擊殺數  
賊自刎士民葬之西河坪立祠祀之同時死者慶陽  
推官靳居聖安化知縣袁繼登居聖字淑孔長垣人  
戊辰進士陞刑部主事未行佐復興死守被執罵賊

死繼登南畿人選貢生涖任未浹歲卽遭變見賊求  
速死乃殺之再陷寧州知州董琬亦抗賊死麻僖另  
有傳賊別將賀錦犯蘭州州人開門迎賊賊遂渡黃  
河涼州莊浪二衛亦降進逼甘州甘肅巡撫林日瑞  
由進士歷廬州池州推官行取授戶曹督御馬倉權  
關許墅所至有聲出爲河東道破擒妖賊累遷陝西  
布政使十五年六月以右僉都御史巡撫甘肅聞賊  
急方訓士馬修戎器而廷議以日瑞不勝任遣楊汝  
經來代次年十二月汝經未至賊已來犯日瑞率副

將郭天吉等扼諸河干賊踏冰而過直抵甘州城下  
日瑞等入城且戰且守賊使諸生說降斬之以徇值  
大雪寒甚士有墜指者賊乘夜坎雪而登城遂陷執  
日瑞詣錦誘以美官日瑞大罵遂磔於市天吉與總  
兵官馬燝中軍岑維新姚世儒監紀同知光山藍臺  
里居總兵羅俊傑趙宦皆死之殺居民四萬七千餘  
人初李自成在楚與其下謀所向牛金星請先取河  
北直搗京師楊承裕欲據南京斷漕運獨顧君恩不  
然曰先據南都勢居下流難濟大事其策失之緩直

搗京師萬一不克退無所歸其策失之急莫若先取關中據百二山河建都立業旁畧三邊資其兵力攻取山西後向京師則進退無患方爲全策自成從之於是西安破三邊陷秦地悉入于賊

太常少卿麻公傳

麻僖父永吉中進士由庶吉士改御史至按察使以清操聞僖登萬曆三十五年榜亦授庶常改兵科給事中代王長子鼎渭許父廢長立幼僖謂代王無君鼎渭無父並劾之僖生長西陲習知邊務感疆圉多

故疏陳切要機宜一重武科之選一復比試之規一清納級之途一汰家丁之濫一恤班操之困一急邊軍之餉雖奉優旨終不能用遼撫楊鎬請用故帥李如梅僖抗言如梅當蔚山敗時墜馬傷臂已殘廢不可復用并劾鎬徇私咸服其當黔國公沐昌祚稱疾乞令孫啓元代鎮撫按周嘉謨等慮其並建二府爲滇中患疏乞止之僖因請改設流官不報四十五年京察忌者中以倚附東林降調屢遷太常少卿逆奄用事落職崇禎卽位復原官致仕家居布衣糲食未

嘗涉足公庭十六年冬賊陷慶陽不屈死

汪紫滄曰唐家中葉驚輦鼓鐘簾恢復因靈武一鎮猶廻萬國心連城何況誇天府甲光耀日揚旄旌歷年三百雄邊兵婦女乘城都鼓勇男兒肯與賊俱生何為天心不悔禍三邊忽忽同時破滿城流血不見人笙歌賊帳稱觴賀從茲虐焰更滔天全無肘腋生憂煎百二關河巢穴穩安行秦晉入幽燕我讀此編氣嗚咽誰家亡國無忠節未聞毅魄如斯多日月無光天地裂腸斷行人吊戰場一門更痛尤與王月落燈昏鬼莫哭千秋朽骨幾人香

鄆陵令劉公傳

四明以外吏死闖賊之難者又有鄆陵令劉振之字

而強號冰壺慈溪人劉氏邑中鼎族自其曾祖祖父

及兄皆由進士為名臣振之雖貴介而恂恂自下生

平讀書尤留心聖學事繼母毛以孝聞先世皆廉吏

一簞一瓢泊如也庚午鄉試為黃道周所取士三上

公車不售就教東陽諄諄舉聖學訓其及門月有課

季有會不屑以寒氊冷署頽然自放也東陽僻處山

陬俗多闖狠振之加意浹積習猶未盡蠲及陟鄆

陵將去語人曰東陽士風潰矣不久將有變起甫去而許都之難作人咸服其先見治鄴陵惟以恤民爲務時流寇大訶將驕而士悍一日有客兵過索犒不遂竟挾振之去父老聞之呼號奔救願歛民貲賂豪弁始釋歸其得民如此十四年十二月李自成陷許州殺知州王應翼自許以南無堅城邑中有奸民通賊者倡言城小力不支不如降之便振之正色叱之未幾賊大至城破趨謁先聖秉笏坐堂上賊索印不與逼降不屈罵曰吾劉氏世以忠孝傳家豈至我而

爲狗鼠所汙耶惟有一死仰天對朝廷入地見祖宗耳縛置雪中三日夜罵不絕口賊砍之十餘刀乃死時年五十有六事聞贈太僕少卿黃道周題其門曰忠孝大儒振之自已未歲書片紙藏笥中每歲加紙護之至是家人啓其封則不貪財不好色不惜死三語也典史杜邦舉富平人當振之叱奸民時邦舉卽曰公言是城亡與亡人臣大義豈可偷生以辱祖宗乃與振之協力拒守及許州被屠人益洶洶有繼城遁者邦舉捕得立斬之衆爲股栗城陷被執自成知

其素得民心欲降之大罵曰朝廷臣子豈爲賊用自成怒抉其舌邦舉喫血噴之仍大罵遂與振之並遇害時開封屬城多陷其同時殉難者通許知縣費曾謀鉛山舉人費文憲宏之裔孫涖官僅四旬賊猝至城無備禦力不能守乃召邑中父老告之曰我死若輩可免屠戮端笏北向再拜投井死太康知縣魏令望字子野武鄉人舉進士初授商丘調太康信賞必罰邑大治賊至誓衆固守衆感其威德之死不貳賊力攻乃拔屠其城令望闔門自焚死涓川知縣柴薦

禮江山舉人賊陷其城逼降不屈大罵死新鄭知縣劉孔暉邵陽舉人治邑有廉政大寇臨城力不支自縊而死民追思其德祀之子產祠商水知縣王化行城陷不屈被殺代者姚文衡涖任未幾賊復至攜印赴井死

楊喬年曰公鄉試受知於黃文忠公死文忠題其門曰忠孝大儒公固不愧此言而文忠亦卽以此自命蓋早有水乳之融燈影之合矣  
盧宜曰仕宦而解不貪爲寶者亦不易覯也蓋貪則好色貪則惜死亦復何所顧忌哉若公在明季時固空同之足矣

太原諸忠合傳

山西巡撫蔡懋德。與中軍應時盛。旣殉太原之難。其時文武官紳抗節不屈。被賊殺於晉府端禮門外者。共四十六人。布政使趙建極。河南永寧人。由進士授知濬縣。舉卓異。以部郎出爲沂州道。再遷至左轄。清絕一塵。所至咸有聲績。家居范王寨。爲李自成所屠。建極慨然曰。食君之祿久矣。有官守者。家與國不能兼顧也。十七年二月初五日。賊臨城。偕巡撫蔡懋德。諸監司毛文炳。藺剛中。畢拱辰。太原知府孫康。周長。

史○范○志○泰○等○分○門○堅○守○越○三○日○守○將○張○榮○通○賊○城○遂  
陷○建○極○危○坐○公○堂○不○動○賊○擁○至○晉○王○府○見○自○成○迫○之  
跪○不○屈○搜○其○臥○室○既○無○妾○媵○亦○無○囊○橐○蕭○然○四○壁○立  
僅○得○三○絃○子○一○張○自○成○曰○爾○清○吏○藏○此○何○爲○曰○吾○老  
而○無○子○以○此○自○娛○何○害○吾○清○勒○受○僞○命○叱○曰○我○天○朝  
方○伯○寧○仕○賊○耶○復○加○桁○夾○大○呼○曰○萬○歲○臣○死○矣○自○成  
喜○以○爲○求○已○也○再○引○問○曰○若○既○畏○死○呼○萬○歲○何○不○受  
官○建○極○厲○聲○曰○吾○乃○呼○今○上○崇○禎○皇○帝○豈○肯○呼○爾○賊  
耶○自○成○怒○取○箭○射○之○洞○胸○而○死○既○而○歎○曰○使○吾○陝○西

官○盡○如○此○吾○何○忍○遂○反○耶○先○是○建○極○五○子○在○永○寧○既  
被○害○後○生○三○子○皆○天○建○極○死○趙○氏○一○門○俱○盡○毛○文○炳  
號○夢○石○鄭○州○人○進○士○初○令○壽○陽○以○才○調○榆○次○行○取○爲  
吏○科○給○事○中○丁○艱○歸○流○賊○來○犯○登○陴○協○守○城○獲○全○服  
闕○補○原○職○楊○嗣○昌○出○督○師○調○及○州○縣○民○兵○文○炳○言○民  
兵○可○守○不○可○調○往○見○驅○民○從○兵○百○不○一○全○蓋○由○官○兵  
善○避○而○民○兵○不○知○避○官○軍○快○馬○善○走○而○民○兵○不○及○走  
也○今○以○大○將○統○重○兵○尚○不○能○一○戰○豈○糾○合○什○伯○鄉○勇  
遂○足○以○辦○賊○哉○時○當○大○計○言○今○天○下○之○弊○莫○大○乎○官



方混淆如懲貪之明旨嚴矣而貪風何以不息薦章  
之廉吏多矣而民生何以靡寧由主計諸臣以奔競  
爲有才以廉靜爲無用也乞嚴勅撫按毋以萬姓之  
深仇爲庶司之上考庶幾吏治可清帝皆採納其言  
久之出爲太原兵備副使固守禦賊城陷被執脅之  
降不屈授以官不從抗罵被殺妻趙氏妾李氏投井  
死子兆夢甫數歲爲賊掠去士民以忠臣子贖而歸  
之剛中陵縣人由進士授太常博士擢兵科給事中  
十二年有詔起廢疏請嚴舉主以核真才又陳保護

留都六事優旨報焉又劾甘肅寧夏河南三巡撫冒  
濫京堂皆落籍去咸服其當山東游饑廷議救荒疏  
言山東不幸遭此鞠凶蚩蚩小民非不知爲盜必死  
且冀苟延旦夕遂走險不顧其僅存萬一者不過數  
家廉恥自好之良民忍死不移爾然人死而丁猶存  
田荒而賦尚在有司迫于功令拘生者以代死者或  
一人而承一戶或一戶而代一里小民不堪鞭扑相  
率爲盜否亦遠徙他鄉丁賦逋欠愈甚終無補於國  
課祇迫民以死亡卽日議招徠開墾何人願歸故鄉

今惟清戶口併里甲俾生存者不代死亡之賦庶流  
民自歸則荒田自墾帝納其言十六年遷山西叅議  
道督理糧儲賊逼分守東門時調陽和兵三千協守  
剛中慮其內應移之南關外及賊攻城果叛降張榮  
又引賊入剛中不屈罵賊死首既墜忽躍起丈餘賊  
皆辟易拱辰字星伯掖縣人由進士授鹽城朝邑二  
縣陞部郎謫浙江按察司知事拱辰工詩嗜讀書積  
書至萬餘卷務總大綱不屑屑細事又不善事上官  
故官久不達歷遷至冀寧道分守西城猶不廢書及

被執賊適得新刀欲以人試之見拱辰睨視賊曰睨  
此何爲拱辰曰欲得此刀砍頭爾賊卽殺之康周字  
魯侯安丘舉人由遵化令陞部郎出知太原府賊旣  
入猶率死士巷戰被執說降不從見殺志泰虞城人  
以明經爲晉府長史署陽曲縣事協守東城城陷不  
食死撫標副將惠光祚罵賊死撫標都司張弘業忻  
州人賊攻城急度不支豫懷一繩登俾禦賊城陷出  
繩縊於城樓妻趙氏縊於署內子凝秀死於俾晉府  
典仗官樊子英先見賊帥大罵不跪乘間手提一大

磚擊中其面幾死擁見自成罵如故勒殺之同知李一清指揮韓似雍千戶王德新司鼎俱不屈被殺此皆四十六人中有姓名可紀者

趙吉士曰嗚呼諸公視死如歸強項稜稜瀝血入地秋風不捲春草不生紙上寫此筆墨欲嗚嗚呼諸公千載邈矣如見其形如聞其聲

山西巡撫蔡忠襄公大同巡撫衛忠毅公宣府

巡撫朱忠壯公保定巡撫徐公合傳附應時盛徐有

聲朱家仕李倬李若葵朱敏泰姚時中朱孔訓牛勇等

西湖忠烈祠所祀外臣三人皆巡撫也為作三公傳

而以保撫合之山西巡撫蔡懋德字公虞號雲怡崑

山人七歲讀大學即立志學為聖賢年二十一舉丙

午鄉試時方娶婦人以為榮噤然曰士人立身有大

於是者何足榮益自下究心先儒語錄以求聖賢之

道務身體而力行之已未成進士授杭州府推官以

廉平內召鄉衮將擬註銓部莫投其門下卒不爲動  
抑置儀曹逆奄建祠宗伯率曹郎往賀懋德獨與同  
官翁鴻業托疾不赴督學江西親蒞臯比務崇實行  
常登白鹿洞講孝經大義士風丕變遴選恩貢取揭  
重熙第一陳際泰次之皆名下士而重熙卒殉國難  
稱得人備兵嘉湖海寇劉香遊鯨及鹽官而湖泖大  
盜屠阿丑遙爲聲援議合勦懋德曰可計擒也奚重  
擾吾民爲廉得盜窩皆濱湖巨室密致之曉以利害  
曰若輩爲盜窩罪當死吾今貫汝亦不責汝鈞捕但

吾遣人至彼者汝陰留之勿洩耳盜魁擒汝等仍爲  
良民吾無所苛求也皆懾伏惟命於是散遣健兒襲  
商賈醫卜之流分布其地阿丑聞風而遁有部卒爲  
田氓者值於隘抱持之共陷泥淖中追至而獲餘黨  
悉平幕府上其功懋德遂以知兵名丁艱服闋補井  
陘兵備方久旱懋德行禱卽雨他邑民爭迎懋德禱  
又輒雨民大愛之甫三月以遼東巡撫方一藻薦調  
寧遠寧遠孤懸塞外懋德內撫軍民外飭備禦咸有  
方略災異求言疏陳心學之要言自心學不明人皆

執一自是多偏黨而不歸大中天下禍亂實原於此  
皆規切君相而一時咸笑爲迂會楊嗣昌不喜懋德  
言其清修弱質不宜邊地乃改濟南道濟南新經失  
守大吏缺人懋德攝兩司及三道印招流移安反側  
諸廢畢舉十三年陞山東按察使尋遷河南右布政  
使時田荒穀貴催科無以應賊布流言先服者不輸  
課百姓日望其至懋德曰此時急催科是驅民爲盜  
也檄州縣停徵上疏自劾詔鑄七級仍視事浙江山  
西二撫缺兩省士大夫各欲得懋德而山西危疆浙

內地非奧援不可得有將代賂政府者力謝之卒得  
山西壬午春馳赴任九月京師以邊警徵兵卽日誓  
衆旋奉旨防龍固二關癸未五月方撤防回省闖賊  
陷河南將窺晉地懋德亟馳河上禦之當是時秦督  
孫傳庭戰新敗而賊在河南時晉地所防止垣曲芮  
城平陸三四百里及西安破而平陽告急汾州與賊  
爲鄰榆林又逼近太原南自芮蒲北迄保德延袤二  
千五百里惟恃一河爲界河又隨地可渡加以嚴冬  
冰合車馬通行如平地中朝亦以山西爲憂廷臣請

防河者甚衆而無兵可援懋德不得已獨力支吾以  
三千弱卒當數十萬方張之寇日往來奔走於二千  
五百里之間惟以至誠激厲將士猶敗賊於大慶渡  
再敗之風凌渡吉鄉渡堅守四閱月迨賊破榆林太  
原震動晉王手書促懋德歸守省城賊偵懋德甫離  
平陽卽布間諜訛言賊已渡河平陽道將聞之皆棄  
城走三日賊不至懼罪乃遣人迎賊平陽始陷懋德  
大集城中士民誓以死守而罷官聽勸之命至或勸  
其因此解任可出境候代懋德毅然曰吾學道多年

死○生○之○際○久○了○然○矣○封疆大臣應死封疆奈何當危  
亡○呼○吸○時○藉○口○規○避○乎○縱○新○撫○至○吾○亦○與○之○同○死○太  
原士民皆知城不能守而感其忠義願與同死盟廟  
之○日○哭○聲○震○野○迄○城○破○無○一○人○叛○者○甲申二月初五  
日賊薄城下夙知懋德賢遣使招之曰撫軍若降吾  
且大用懋德火其書斬使人頭懸之城上遣驍將牛  
勇朱孔訓出戰孔訓砲傷牛勇陣死城中奪氣初八  
日大風晝晦角樓砲燬賊乘勢登城中軍應時盛扶  
懋德上馬率衆巷戰欲衛之出城懋德遽躍下曰封

疆大臣應死封疆吾早有成言矣汝等自去毋庸顧  
我諸將給懋德前有大井可死復擁之上馬至西門  
望見城闐大呼曰汝等欲陷吾不義耶復躍下時盛  
已出城回顧不見懋德更同材官段可達斫賊而入  
見懋德在地下不肯起亦下馬曰死則同死耳扶至  
三立祠令可達去曰汝非命官可無死他日收吾屍  
也遂南向自縊軀輕氣未絕時盛解鐵甲覆之候氣  
絕亦東向勒死諸標丁王永魁等十餘人同時自刎  
時盛遼東諸生負勇略慷慨尚氣節爲懋德所識拔

誓死同守賊帥有舊交至城下勸時盛降時盛發神  
鎗擊之賊帥衷甲不傷嚙指而去時盛退見懋德草  
遺疏卽歸家殺其妻妾并十四歲幼子曰無爲賊辱  
與吾同作厲鬼殺賊也卒踐所志自成恨懋德不降  
親驗其屍加刃斷頸棄其首於水溝可達遵前命收  
而掬墻土掩之十指盡腫賊去乃與旗鼓周文郁買  
棺殮於泰山廟顏色如生南京子贈廕諡忠襄公子  
方炳方炘馳往扶柩晉人醵金贈賻白衣冠垂涕以  
送者數千人

趙吉士曰學必講而後明固聖賢分內事也顧講學非難踐其學為難踐其學固難而踐之於死生危急之際尤為難若先生所講即見危授命一句可謂知之明而守之固其學已足千古矣  
盧宜曰公盡瘁嚴疆以身報國顧宗伯錫疇議優卹而馬士英柄國格不行至有謂公死節不足借當問失守罪者是非顛倒至此國欲治其可得乎

大同巡撫衛景瑗字仲玉號帶黃韓城人天啓乙丑進士初任河南府推官以最入為侍御史劾閣臣周延儒銓臣曾楚卿名籍籍西臺時流寇大起所在用兵餉不繼楊嗣昌迎上意議加勦餉景瑗力陳不可謂民之輸將易盡賊之蕩平無期恐年復一年累民

無已勿聽給事中傅朝佑李汝璨劾首輔溫體仁上方嚮之專體仁亦斤斤自守上惡貪婪而體仁謝絕苞苴上惡朋黨而體仁屏杜干謁上惡專擅而體仁每遇大事必取自上裁第性陰重不洩恒亦護前舉朝多與之忤無敢訟言攻之者及聞二臣言帝怒下詔獄景瑗出身強諫極言二臣從國家起見幸赦之以作敢言之氣帝惡其朋比左遷行人司正從屢陞撫大同甲申二月自成既破太原將攻寧武守關鎮臣周遇吉疾呼求救景瑗命總兵姜瓖督兵往瓖已



懷貳心不用命先是總督王繼謨檄瓌拒賊河上瓌  
陰遣部將納欵於賊景瑗方邀瓌歃血死守瓌使人  
布流言謂衛撫院秦人也將應賊代王信之不與相  
見永慶王殪其僕於南門上會景瑗疽生於足不能  
時出城中軍務皆瓌主之瓌有兄瑄以昌平總兵失  
律繫獄久怨望遇赦出就瓌贊降賊瓌意益決三月  
朔賊薄城下瓌射殺永慶王開西門迎賊景瑗督麾  
下巷戰賊大至衆皆散賊擁景瑗入自成營自成命  
之跪叱曰吾此膝不屈第二人踞地坐大呼皇上而

哭脅之降瞋目罵曰吾仗節旄爲大臣期滅汝狗鼠  
而朝食豈從汝作逆耶顧見瓌在側復戟手罵曰賊  
奴萬段汝吾與汝朝盟而夕叛吾死當訴之上帝必  
不饒汝賊又曰不降磔汝矣景瑗曰不能守城當磔  
此天子磔也吾肉豈污賊手遽起以頭觸柱頭裂流  
血被面仆地終不屈賊義之曰忠臣也不殺拘之海  
會寺令景瑗母勸降景瑗仰首視泣曰母今年八十  
餘矣幸自爲計兒爲朝廷大臣不可不以死報遂不  
語母出景瑗語人曰吾不罵賊者以全母也初六日

伺守者稍間自經而絕賊移其母妻子於空室中無敢犯者督糧郎中徐有聲罵賊被殺兵備道朱家仕河州人進士雅好內典政尚寬平及流寇壓境有勸其出避者曰時勢至此生平叅悟何事尚惜一死不以報國乎佐景瑗守城甚力及賊入同妻妾子女赴井死一家死者十六人山陰知縣李倬亦死之文學李若葵闔門九人自縊先書於壁曰一門完節南京贈景瑗兵部尚書諡忠毅與朱之馮並定爲正祀文臣賊破大同入都置瓌營中賤之不予官自成兵

敗西逃瓌繼降

國朝降後復叛竟伏誅

延安府推官顧成正誌公墓曰綱目書劉公鞅自經於金軍以爲金不能以威屈鞅也鞅自經云爾衛公有老母賊方陽慕公不殺人情易動而公持義堅決從容自裁可不謂之得正矣乎若夫封疆之故蓋難言之時邊兵缺餉已八月而鎮臣內叛雖有善者亦無如之何矣

宣府巡撫朱之馮字樂三號勉齋大興人天啓乙丑

進士初授部曹權河西務稅羨餘皆貯公帑備縮額

逆奄用事遣其黨督漕勢張甚之馮不之禮璫亦憚

其丰稜斂跡去丁艱杜門讀性理曰爲聖賢之學者

舍此無由也。歷陞山東叅議道分巡青州。巨室有被盜者，株連無辜甚衆。馮設策獲真盜，大獄立解。樂安土豪李中行冒竊衣冠，以貲雄於里，結有力者爲奧援。馮廉得其私通海寇，獲硝黃數艘，立抵於法。有力者假聲勢，撼之不爲動。崇禎戊寅，陞副使進表入京，寄其家於濟南。明年正月，濟南破，妻馮宜人屬其子於胥史家，又藏其姑於委巷。城破，投於井。姑聞婦死，亦絕粒而斃。馮扶柩還京，廬墓飲泣三年。如一日也。辛巳，分巡河東。以馮宜人節烈死，不復娶。亦

不蓄妾。勝一室蕭然，惟念流寇日橫秦豫，接壤專意爲固圍計。大猾朱全宇招納亡命，潛通大寇。大吏知而不敢問之。馮至訪得廢將謝鳴進，與相善，召而諭以利害，果執全宇殺之。部內以寧壬午寇氛益急，山西巡撫缺，上命舉知兵者。廷議咸推之。馮時兵餉久缺，司餉主事不得軍心，一日露刃大噪之。馮出撫衆，卒羅拜曰：「惟我公在我等，不敢叛耳。」立與之餉而執首惡數人誅之。衆乃定。總兵某貪橫無狀，勢且跋扈。之馮特叅提問文武將吏，始知有朝廷。法癸未十月

孫傳庭死於賊甲申二月蔡懋德死於賊之馮皆設  
位而哭二十二日報寧武陷之馮露宿城頭分扼險  
要三月朔大同逆鎮迎賊巡撫衛景瑗死賊鋒轉逼  
監視宦者杜勳與宣鎮總兵已潛遣飛騎賫降表迎  
賊矣而之馮尚勞苦登陴集文武紳士於城樓設高  
皇帝位誓衆死守檢卧內衣被盡以犒兵惟留官衣  
一襲授中軍曰有不幸卽以此裹我時細作充仞城  
中忽布訛言謂之馮疑宣人謀叛請兵屠城人心惶  
惑且傳賊秋毫無犯賑貧蘇困有闖王來不納糧之

謠賊來尚緩兵民望賊反急而旱蝗頻仍疫癘大作  
又以用兵加餉百姓益無聊真若引領沛上亭長太  
原公子者勲欵語諷之馮同降之馮厲聲叱之勲竟  
緋袍入騶郊迎賊於三十里外三月十二日賊將薄  
城之馮登埤勞兵無一應者三命之咸叩頭曰願軍  
門聽兵民納欵保此一城生靈須臾左右皆星散惟  
存七八人意甚叵測賊已從南門入滿城結綵或帛  
或布無者以紙百姓胸前皆粘順民二字焚香跪迎  
賊騎充斥街衢塵埃四漲之馮憤甚自起藝炮炮孔

牢下鐵釘不可拔索刃自盡亦爲左右所掣意在擒以獻賊居首功也家人欲擁而出走之馮曰離此一以獻賊居首功也家人欲擁而出走之馮曰離此一步無死所矣南面仰天大哭呼二祖與皇上曰臣不意人心離叛一至於此臣死必爲厲鬼殺賊以報國恩遂自縊城樓簷下遺表勸上收人心培士氣且云仗節死義之臣當求於直言敢諫之中願陛下鑒察賊恨之馮不降棄其屍於城濠中次早大掠去十四日收其屍以殮濠邊狼犬夥多屍經宿無不傷者惟之馮歷三日夜面目肢體完好無恙百姓驚駭多泣

下者未幾而李鑑等義兵起鑑成都人進士先爲宣撫以之馮代時尚留宣城破賊擒紳衿大戶貫以五木酷索金銀鑑亦被毒四月杪紛傳賊被吳三桂請大兵殺敗鑑因人心怨恨糾集義勇於五月初五日昧爽圍各僞官署擒權將軍果毅將軍防禦使州牧等梟首刳心祭大行皇帝瀝血酒誓師隨奉之馮柩入察院改殮謂必腐敗擬用白綾纏裹及啓襯顏色如生垂幕中堂次第哭奠三日後築墳葬之南京贈兵部尚書諡忠壯一時死難者督糧通判朱敏泰投

縲死副將甯寵罵賊死繫獄總兵官董用文副將劉九卿及里居知縣申以孝並不屈死保安州有廩生姚時中讀書守禮持論迂古落落無與偶者聞闔州紳士儒衣冠而迎賊生亦效之給其妻子人皆向南行生家在西乃折而東至先師殿題壁曰殺賊無權辱身不義妻子無知何足與計縊於殿榻上學博見之以爲不祥畀屍官牆外路人歎息覓棺殮之鑑等亦置其主配享忠壯而葬於忠壯之墓側

趙吉士曰朱忠壯之慷慨殉國尚矣若姚生者以子衿蹈義此固平日衆皆目爲迂古者也嗟乎忠

孝大節惟迂古一輩人乃能爲之耳若光時亨方且以爲識時務者莫我若也而後竟何如哉

保定巡撫徐標號鶴洲臨清州人天啓乙丑進士歷官至巡撫建牙保定甫涖任流賊勢已支蔓且窺近畿癸未五月召標入對標曰臣自江南來經過數千里見城陷處蕩然一空卽有完者亦僅餘四壁蓬蒿滿路雞犬無聲曾不見一耕者若不亟加寬卹兵燹餘民靡有孑遺矣帝欷歔泣下又曰天下以邊疆爲門戶門戶固則堂奧安其要在於脩內治重守令守令賢則政簡刑清而盜自息帝深善其言然是時遍

地○飢○民○聚○而○附○賊○勢○已○不○支○而○賊○之○奸○細○滿○城○疫○氣○  
又○大○作○九○門○一○日○而○出○樵○數○千○人○心○瓦○解○甲○申○正○月○  
闖○賊○僭○號○西○安○投○偽○牒○於○兵○部○約○戰○二○月○朔○帝○視○朝○  
忽○得○偽○封○詞○甚○悖○末○云○限○三○月○望○日○至○順○天○府○會○同○  
館○繳○羣○臣○相○顧○失○色○大○索○其○人○不○得○又○傳○檄○畿○輔○標○  
斬○賊○使○碎○偽○牌○拮○据○危○疆○意○氣○益○奮○時○真○定○知○府○聞○  
警○豫○遣○妻○孥○出○城○標○執○知○府○繫○之○獄○會○標○下○中○軍○謀○  
叛○伺○標○登○城○畫○守○禦○刼○至○城○外○勸○標○降○賊○不○屈○被○殺○  
放○知○府○出○獄○知○府○遂○檄○所○屬○州○縣○先○叛○以○待○賊○賊○至○  
者○帝○竟○不○知○

州○縣○望○風○納○款○真○定○去○京○僅○四○百○餘○里○寂○然○無○有○言○  
者○帝○竟○不○知○  
盧宜曰三公皆得易名贈卹而徐公之恩典泯泯  
無聞不見於史冊然公死於逆猶死於賊也何軒  
輕焉

周忠武公傳

附兵備道王引懋同知吳鉉總兵馬岱李守鏐周夫人劉氏

闖賊長驅破太原其從保德而渡者圍寧武關至二

十日乃陷總兵官太子少師周遇吉死之踐巡撫蔡

懋德之約也遇吉號萃菴錦州衛人夙負忠略由世

襲指揮積功為副將同總兵黃得功大破賊馬光玉

於浙川威名大起崇禎庚辰八月陞總兵官賜蟒玉

援勦河南大破賊降安世王整世王明年敗獻賊於

光山八月敗闖賊於羅山又敗其黨於生鐵舍九月

敗賊於固始復敗賊於歸德共斬級二千餘山東賊



起擊之壽張追至蒙陰戰於東平擒賊首李青來宋連等獻俘闕下餘黨悉平癸未敘功進左都督提督雁門三關駐節寧遠先是懋德禦賊於平陽汾州間甲申正月賊出潼關太原告急晉王手書敦迫巡按御史又邀之懋德不得已自率千人回顧省會保親藩因貽書遇吉日僕素悉公忠義鼠竄偷生公必不爲但拒河力恐不支倘天不祐國賊長驅北上願與公約公死守寧武以扼其北僕死守太原以障其東賊畏我二鎮躡其後或可牽制以俟畿輔援師大集

此睢陽之烈也遇吉慨然許之及賊勢漸迫遇吉請益兵朝議以一副將督兵二千馳援寧武副將叛而迎賊復至鎮說降遇吉怒立斬以徇時二月十二日也賊自破太原後乘勝席捲氣甚驕將鼓行而前直抵京師果憚遇吉威名恐躡之乃頓兵圍寧武遇吉指揮砲矢之下賊分爲六隊梯而上則奪其梯穴城則縱火燒其穴城堞傾則囊土補之復完諸生楊鼎勲兄弟善火鎗遇吉燕以酒親爲簪花士益感奮又選城中壯勇與標下健丁激以忠義出不意殺賊精

銳不勝計賊恨甚雖挫不却遇吉日則列兵城外以戰爲守夜則收兵入城以守爲戰所殺賊無算炮火既竭援兵不集勢益孤遇吉密令健兵巷伏開門誘賊賊一擁入城城門忽下閘伏兵四起殺賊無噍類賊又環攻四晝夜至二十二日城乃陷遇吉復躬先巷戰手殺巨賊百十人矢攢甲如蝟毛身中數十鎗垂死被執罵不絕口賊縛之演武場旗竿上亂箭射之共齮其肉兵民感其忠義雖兒童婦女無一屈膝者悉爲賊屠夫人劉氏蒙古色目人也家丁百人皆

其族氏聞遇吉爲賊執跨馬挽弓率家丁殺賊從辰至未所殺近千入復據山頭公署登屋而射每一箭死一賊賊不敢逼乃縱火環燒合署盡作灰燼寧武城內殭屍數萬遡賊渡河入晉攻而破者惟太原寧武二城寧武相持尤久自此長驅入三關大州巨鎮如雲朔真定紫荆居庸等百十餘城皆望風輸欵直達燕都僅四十日而京師潰天子死社稷矣遇吉死四日材官侯效義等殮之八月葬東門外寧武人感其義立祠祀焉同時死者監軍兵備道王引懋霸州

人進士以廉靜得民與遇吉嚴兵固守城破脇降不  
屈賊裂殺之妻楊氏投井死管糧同知吳鉉貴州人  
亦遇害南京優卹特諡遇吉忠武方賊破寧武時聚  
而謀曰寧武雖破受創已深自此達燕京尚有大同  
宣府居庸陽和等鎮皆宿重兵使盡如寧武連袂受  
戮矣不若姑回陝休息相機再舉已決計來日西歸  
乃夜半忽收得大同總兵姜瓖降表自成喜甚傳諸  
賊渠酣飲坐甫定而宣府鎮亦至且以百騎來迎賊  
謬謂天與優答二鎮預加封爵一意長驅未幾居庸

各鎮并昌平文武相次乞降惟居庸關總兵馬岱自  
殺昌平總兵李守鏐罵賊死比賊陷京師後多有半  
面與失手足者乃攻寧武時所傷莫不嚙指告人曰  
周○總○兵○真○好○漢○殺○我○等○數○萬○人○倘○再○遇○如○此○鎮○將○我  
等○皆○鬼○撲○矣○自○成○亦○恒○嘆○曰○使○守○將○盡○若○寧○武○周○將  
軍○吾○安○得○至○此○

趙吉士曰賊自晉抵燕僅一周將軍挫其鋒耳朱  
忠壯遺疏云臣不意天命人心一旦至此嗚呼自  
神廟以來所由來者漸矣  
盧宜曰按工科李清疏抄叅請祀周忠武公妻劉  
氏云劉氏親率家丁憑牆射賊卒與合家俱燼以  
視親執桴鼓之靳王夫人勇矣而無其烈以視節

義成雙之趙昂發妻烈矣而無其勇知言哉  
盧宸日聞劉夫人勇過於忠武弓之強一軍莫能  
挽城破時率健婦百人上一樓射死賊無算矢盡  
卽舉火自焚死忠武以忠啓婦之烈夫人以烈成  
夫之忠此尤節鉞中之僅見者也



